

THE CHINESE-JAPANESE LIBRARY
OF THE HARVARD-YENCHING INSTITUTE
AT HARVARD UNIVERSITY

FEB 20 1957

4

15460/4994

已畦詩集卷之八

吳江 葉 燮

觀碁和西潛開士韻

劫灰燒後剩空菴一紙兵書一局談只許雌雄成
兩大那容鼎足更稱三
不妨敗後復能成腹裏戈矛眼底爭只爲輸贏存
半著直從九里預埋兵
首尾相聯置勢長空拳難向陣前張梨花鎗手渾
無用娘子軍前莫謾狂

莫矜地利與天時斷處還聯似藕絲到底赤符存



蜀土不妨劉備智偏遲

腹裏堂堂勢莫過那知邊上復稱戈鴻溝已沒誰

劉項笑殺傍人拾爛柯

過霍丘贈同年史廣文麟長

相逢客舍暮霜鬢喜重看去住人如夢行藏意各

寒塗長疲躡屩官儉怯加餐尊酒貽名釀傾壺不

厭乾

此地淮水清而酒甚濁麟長詢我家釀一尊甚佳

回首京華舊通門兩世多君才應珥筆我倦不揮

戈開閣延荒月披襟閱逝波後期淮水便雙鯉望

煙蘿

墨韻贈康貽姪

時為霍丘廣文

一壇官舍冷仍作故鄉看汝穎多奇士我行賦苦

寒短筇勞陟頓久藿炫盤餐盡倒牀頭甕無辭把

即乾

次穎上縣偶題

從來汝穎多奇士却喜瀟湘遇故人今日與君城

上望白楊堆裏是荀陳

清涯千里繞荒城聞道當年久苦兵客子那堪聽

暮角且攀野老話承平

一榻贈行脚

草鞵不費趙州錢
拖却隨風去住緣
塵世真窮師
獨富家門地闊與天圓

泲水道上

我行泲水邊
一望蒼煙路
時有古皇風
耕鑿安朝暮

陳畱署中作

陳畱令君石門鍾靜遠余三十年前從游士也遠札相招過署惠詩和答

卧閣從容問典籤
落花黯黯傍琴沾
我因學道知酬乳
君待和羹妙著鹽
生怕舉杯邀月獨
誰能放鶴佩牛兼任伊
繡出鴛鴦好自有金針度與尖
丙夜官衙度報籤
急烹河鯉快脣沾
一尊鷺色堪

憐酒

地尚黃酒

千里尊羹已下鹽

黃芽菜甚美

畫檻不妨臥鳥

集名山原許宦情兼
閒追聚散鄉園夢
話到橙齋

玉筍尖

靜遠與孟舉居比鄰孟舉有優班名玉筍尤者號玉筍尖

久向玄都探七籤
素衣久已慣緇沾
常辭茅店裝

攜笠每倒蓋堪嚼
出鹽老馬待扶生
計拙焚枯應

有素書兼故山蘭蕙將
盈把點淡香參到鼻尖

分曹韻險鬪詩籤
慧業羞從牙後沾
自愧文章虛

置醴謾勞刻畫到
無鹽婆娑剩有枯楂在
奔走何

昨宵一兼未得長齋香
一炷霜螯久已戒團尖

坡詩

詠蟹有尖團○

余已戒食蟹

一佳詩

漸滿黃河高水籤茫茫集處客襟沾因人無分忘
涼熱與世相求只米鹽閉戶不知啼鳥換荷鋤何
事拂鞭兼剛逢何遜高吟發昨夜梅梢雪壓尖
巨源書絕斷封籤厚祿恆饑不易沾形影未消醒
俊鹿虛空不辨舌嘗鹽出楞嚴難推物理升沉界缺
陷乾坤得失兼銅雀荒臺遙入眼浪磨折戟幾回
尖

河隄使者急馳籤

靜遠奉檄
往工所

只為書生五斗沾激水

雄飛方笑鵠駕車神足豈推鹽川原百戰銷鋒後
桃李千花入籠兼絲竹扶風流韻在不妨金粉落

眉尖

花枝折得當觥籤那管淋漓衫袖沾一笑羅羅喧

舞柘

此地有優
羅羅腔

遣愁昔昔艷歌鹽死生夙習挑鐙動

去住縈心噫鏡兼高唱靡靡休樹義縱令舌在已
無尖

即事

到來風日無冰雪贏得長隄千丈塵却喜河魴鮮
徹骨朝朝先飽把竿人

題西來菴

陳畱縣西關外

一鞭塵影古城西却笑驅馳問木雞此日忽驚添

巴野詩集 卷八
一線莫將針孔更重提

是日長至

次韻荅靜遠

名賢不作弔荀陳鶴駭猿驚庾亮塵料理白頭無
箇事逢場且作看花人

一回面目一回陳計拙無能學望塵日落黃河天
半紫不妨著箇避秦人

方山不識昔時陳堪笑饑驅向范塵菜甲黃芽都
下味廿年久別藿腸人

閉門索句苦吟陳何事方袍染洛塵只有乾坤仍
納納旗亭盡換舊才人

由陳畱陸行至儀封集靜遠攝畧

躍馬慙非用世才前塵事事付寒灰遙看落日孤
邨裏也學柴桑一幅來

游梁不是長卿才馬上何須話劫灰行到黃河流
曲處白雲羌笛觸襟來

過岳陵贈梁曰緝侍御

劫灰燼後上朝班又向楞嚴契八還

侍御精禪學

悟得衆

流俱截斷直從河決見牢關

水到名山只自然

齋額臣水名山

一庭花影是家傳亭臯雪

滿誰高卧侍從人歸二十年

贈通許王麗京

汴水東流亂暮雲閉門玄草住河濱中原千里平
于掌也得嶮崎著箇君

懸針倒薤定何年朝日烘窗暖自煙莫去堵牆看
學士元和爭說柳家傳

贈友

家住邗江舊郭東近來移傍廢隋宮從他物色緣
何事人在孤煙芳草中

庚午除夕和靜遠韻

兀坐羈人憶故齋遙占鬱壘傍檐排明夷貞在恆

揆老未濟爻終再歷階

除夕為余六十四
明旦為六十五矣

世事不須驚

燕雀天涯難得是朋儕吳頭楚尾休回首到眼風
花總入懷

晚菘久厭太常齋官舍辛盤次第排甲子繁霜陳

歲月庚申曆火報庭階地多梨棗傷嬌女

適殤女
姜晚

節人琴憶故儕且酌椒花徐待曙丁寧身外莫縈
懷

和靜遠上元前一日招集同人作

辛未

時清久已罷軍屯墟畔懷人賴影存谿上故交君
漸老夷門舊客我辜恩青雲結綬應多侶白髮垂

竿迴自尊猶記草堂春寂寂月華應湧水晶盆
 客游密邇許昌屯半菽常充滿鉢存莫歎無衣方
 入詠靜遠裂衣相贈但逢濁酒便銜恩白雲看處愁如夢綠
 鬢叢中儘轉尊只有蒼蒼知我甚舉頭莫歎覆如
 盆

久客儀封偕仁可宛來同行訪伯章於大河
 之干柏子菴信宿作

地僻煙雲換棲幽鷗鷺通檐花疎剩冷檻竹秃排
 風物我消深坐琴書達素衷大河懸落日新柳盡
 蒸紅

不必栽五柳長教聽七松劫灰斑古壁老手護枯
 筇逕壓薜蘿斷門邀沆瀣封海棠紅半吐收拾絢

春容庭前海棠一樹

暮色陳觴地柴門半畝梨野人歸帶犢弟子起聞
 雞河影遙喧渡隄虹偃入泥主人誠好事貯酒待
 聽鸚

繩榻聯高卧明星入戶稀離人憑夢續邨籟入空
 微宿草搖荒坂歸鴉落斷磯悔多今夕意別去轉
 依依

偶見

陌上春光初放時春衫纔試腕初垂樂府有兒家夫大垂手壻渾無緒說與韶光知不知

亭亭緩步盼回肩喜處生顰總帶媽阿母前行嗔不定伊家莫作柳枝憐

豈是盧家字莫愁東鄰約略舊曾游今宵一樣關山月去上簾櫳第幾鈎

玉映珠明只自惺尋常約束素娉婷生憎屋角拖煙柳遮斷巫峰帶雨青

贈儀封馮仁可

小築城南聽早鶯歎伊尺五競榮名摩挲石硯遺

痕在識得吳興碧浪清尊公為浙德清令

贈儀封周伯章

怪底靈均賦獨醒庭前柏子任青青遺山風度依然在認得岡前野史亭

贈儀封馮宛來

書生握管當封侯擲地喧騰井榦樓傳語子淵勤作頌碧雞聲在殿西頭

兩世通門我鬢絲宛來令祖與予先人同舉前甲子始知汝穎固多奇

儀封為古穎川金莖露浥青精飯去問天家救朔饑宛來苦饑甚

題靜遠道裝像

寂然不動是常無感而遂通是常有怪底騎牛只
欲行且向蒲團穩坐守

口占贈友

一曲黃河千片帆歸心同望夕陽天囑君早辦畱
賓榻多貯谿頭縮項鱧
蝟蝶蒼髯七尺材怕乘騏驥只乘駘歸家若問江
夫事曾到梁園踏雪來

贈錢塘王又蕃

摩詰前身是相逢汝穎間與君明月夜城上望

關

宿羅漢寺

在黎里

寺名羅漢非凡漢僧定台宗是首宗二十年前曾
宿此房櫳猶識一株松

過曼殊精舍

一逕茶煙入畫圖深深花木有還無我曾識得廬
山面疑到棲賢望小孤

題喚負菴

聞有幽藍在別谿樹頭屋角鷓鴣啼禪心莫似東
流水流向人間咽斷隄

題湧月泉

在黎里瑪瑙菴

來從何處去何從
滴滴波心寂照中
即此重重交
帝網不須曾到廣寒宮
誰將孤影沉寒水
祇許清漪寫素娥
參得色銷空
絕句水流月落兩如何

題蘆鴈扇

水雲萬里歷蒼涼
挈伴攜羣集復翔
怪爾誅生渾
不定隔江飛去又他鄉
歸去柳隄初漾月
來時汀草又粘霜
人間不少傷
心事勞汝千行寫斷腸

贈娛文女導師

江上相逢月欲斜
琵琶聲裏指生花
貧家剩有羅
襦在不向深宮號大家
蛺蝶滕王兩兩飛
繡牀點點落春暉
曉鶯莫上高
枝語只恐深閨淡著衣

吳閶競渡行

吳閶城中百萬戶
傾城出嬉五月五
吳宮舊怨楚
遺風千載摧肝此
歌舞胥江怒濤駭
拍天飛雲鱗
鱗雌蜺旋壘樓
倒峙蛾飛旃伍
相無乃悲重淵
白舫絳幕流蘇
翻我我瑟瑟
千浦蓮笳吹乍
迴鼓轉
闐一時流睇
層淵鯨君小
見大河南
北菽不飽隴

已明詩集 卷八
山前後無青草安得吳閭此日酒肉臭借與周黎
一飽殘喘救

次韻荅魏里蔣聲中

丈夫不封侯所須田二頃二俱無是公決策逃箕
穎吾常以此心質之形與影好友進良規令我早
夜省人生得意事因熱亦因冷美酒與好詩逼我
儉腹逞我友青雲器家世炫鐘鼎昔伊尊先生素
懷我所景自從華屋遐諸郎締列頸莫逆目相視
追隨袖得領有詩恆共吟有酌不用請願以金石
心流風世之求

再疊韻

美人黃叔度汪洋有萬頃卷軸堆四壁搜討恣蕭
穎嗜好宛古人不獨摹其影周秦漢唐宋中宵不
寐省當其得意時耳熱汗翻冷擁此文史富岱雲
膚寸逞君如不勝衣何為筆扛鼎昨君有難弟朝
日忽謝景人琴邈山河拊膺恆赤頸何况道義交
如我霜被領我本無求者今願竊有請莫負花月
時寸晷如劫永

三疊韻

吾家在橫山煙嵐千萬頃似敢倣子由晚乃住濱

穎地鮮素心人主形賓對影常發訪戴興所適猶
 未省忽憶魏里交半熱半帶冷決計鼓扁舟南帆
 任風逞屈指造故人登堂香出鼎忽快得新交相
 對忘日景興發如中風搔首復爬頸君家諸父行
 謂亭彥鳴
 大篆鴻 一一敦槃領自今訂石交招攜不待請只
 我桑榆光把手恐不永

次韻答李鶴君

夙習爭傳在手文一時結舌讓蘇君彌天霧捲擡
 頭見擲地金鏗有耳聞澤滿窮離知入楚關緣鶴
 雀自通汾如花佳句慚無報簡點攜來杖底雲

積玉排沙潘陸文敦槃今又過三君思超碧落非
 關見夢叶黃鐘別有聞莫倚危冠還適越待畱妙
 墨應橫汾自從刮眼王恭月歸去驕他嶺上雲
 揚馬休誇蜀有文杜詩有文令人傷相思正爾忽逢君風雷
 合向窗中起蠻觸何緣戶外聞世已無人如汝穎
 我從見子輟河汾來詩有窮來教授擬河汾一時倚玉看驚座野
 鶴明朝又趁雲

海鹽李澶籥明府以十三覃韻四首見貽即

次答之

寒空木落徧江潭物候蕭森似峽三自有美人軒

舞鶴頓移薄俗繭抽蠶泱泱海國風堪頌謾謾松
 濤韻不慙欲識使君誇得意秦峰聳處挹晴藍
 花開十月越臺南紅樹青岑映紫嵐卧閣裁詩鈔
 自語疎簾焚橐墨猶含懸針書就空秦碣買犢人
 歸解宋鐔莫是青蓮今再世故教腕底落優曇
 橫山蝸角自搜探何事蒲帆出水南勝地重經回
 首憶澹交常好素心諳山窮碧落游思遠酒對繁
 花老豈堪此夕剪鐙陪綺席不禁傾倒野樵談
 白酒黃雞到處貪達人知我不嫌愁月高直欲捫
 天九風引何當訪島三春草綠時憑短竹碧谿轉

處失團菴翠蘿門外朱輪少他日朝天望一探

廉讓堂雅集次陳言揚韻

為愜幽尋願何妨道氣豪酒從真裏醉月到靜中
 高湖海吾方永風花物自饗古人如可作此意不
 須逃
 促坐無多子能令大地豪樹乾排月勁風細趁霜
 高心賞狂偏得交深道可饗請聽木落響蕭颯那
 能逃

讌集張暘亭懋德堂觀家優演劇仍疊前韻

華鐙烘綺席芒屨媿人豪蘭畹凌霜粲四季蘭甚盛家山

隱几高閱沙園圖卷陽春攤入亂小隊秀堪饕知是前塵
事吾生未易逃

自笑霜髯影歡場奮辭豪老將狂遜拙世豈癖稱
高望海疑堪蹈餐英不厭饕此中深意在一斗莫
須逃

壘前韻答俞子次瀛

丈夫須得志萬古獨稱豪碧漢猶將俯青雲未算
高日須繩急繫書與蠹爭饕莫倚驚人句吾將學
董逃

自武原歸橫山畱別諸同學

息影藏山倦閒雲問水濱椒仍嘗客酒值除夕柳換

故山春才盡虛知己行違益畏人桃花應笑我避

地反來秦指秦駐山也

華館生春早金尊漾彩濃舞低蛾百轉鐙墮月千
重白首繁花駭紅雲逼坐壅主人摩詰舊裴迪許
從容

曹叔則七十初度詩

丙寅秋予初度叔則過草堂思我
五言近體詩茲追步韻答之

吾愛曹夫子名高遜益肥片雲情可寄萬卷老如

歸世態諳霜領秋心貯薜衣帶存堂叔則堂名上月對

影兩無違

遙憶攤書几乾坤入坐隅問交知竹杖拚老賣銀
鋸標史亭宜野為園業亦儒何當零白露宛在滿

蒲

憶昨橫山夕雙帆落板扉

丙寅九日叔則與孟舉方舟夜至草堂

高標昂

雅坐豎義屹堅圍游岳還餘展捫天待啓闡巖前
分手處幾度過斜暉

東髮衝冠志冥鴻竟遠增處堂看去燕擊水息長

鵬吾道存遺老家風叶世仍杜門無箇事誰似爾

多能

倚郭廬堪結何妨晝不為香畱花入定鐙挾雨含

青開闢雙松戶支撐獨鶴庭黃鐘畱響在瓦缶已

如霆

過當湖同人集沈撫辰齋即事有感

莫葉纔周畫閣盟靈修芳佩又宵征別來漸覺秋

容老夢去重驚月影橫紅綬帶呈腰近束離絃珠

落指餘聲天公偏賦人間恨鈿盒教深兩度情

又斷句三首

白首重登舊日堂并州原不是他鄉遼陽化鶴歸

來早猶見封胡玉樹行

朱雀桁前燕子堂舊游猶是鄭公鄉而今莫話前

朝事侈口曹劉沈宋行
莫嗟良日去堂堂白酒黃雞老是鄉三十餘年如
電抹忽驚芍藥已成行

與輪公夜話 即文園公

陳迹追談三十年琉璃廠北悵離筵自從馬首東
西判歷數銷魂賦黯然

行藏各別自雲泥君傍螭頭我把犁熱鬧門庭涼
似水挂瓢二十六宮西

衲袍曾賜乘雲錦 曾賜乘御馬 斑管揮時帶紫泥多少雄

心銷一鉢酣眠只是不聞雞

題美人圖 圖係名手所作或曰洛神或曰姮娥或曰臨楊太真遺照未知孰是然為絕筆不必鑿也為題二絕

燦玉明霞絳雪模回波將轉未全無天花散到花
畱處萬紫千紅盡作奴

獨立諸天冠玉真由他四序總陽春千重帝網珠
光裏乍現昭陽第一人

中秋後二日錫山顧天石過予草堂和十三
覃韻詩見貽次韻答之

畱詩凡上姓名詰別後名山又幾探閱世何傷稱
一士得乾莫負索三男洛塵積歲魂俱染江月隨

人影自參木擁衡門聞剝啄猶龍忽覩快周聃

夢中久已絕傳柑君說京華聽豈堪跣足蓬蒿無
捷徑懸巖崩律傍危龕風瓢日日增人厭野蕨年
年絕世甘希有故人營一飯獨醒不復賦江潭

冬日諸子枉過草堂次夏性天韻限雪字

我本蓬樛人畏炎思夏雪披襟善冷風三春亦瀟
次崩崖當我前琤琮繞寒冽俯仰笑靈均問天枉
捫舌法法本如如何待生公說幸逢高世姿優曇
閃一瞥舉世競柔金子懷甘植鐵吐語壓時流不
拾綺靡屑玄暉零落後真賞意好絕美人遲暮遙
攬佩徒惋結黃埃驚沙中要不媿往哲垂天無近

風大地有康埵摧輪豈羊腸門外赫如嶠蠻觸兩
相嘲互矜巧與拙我有一卮酒共酌寒泉澈君宜
筆早珥我自擾無輟高衢與幽阿遠近兩明潔

項東井七十初度

人言七十古稀有我言七十如君稀君年七十如
十七手探月竈拏支機三寸管落天地小但見五
嶽奔如飛天喬毛羽鬼怪現風雨振撼曦無輝檐
前橫斜老梅古現身變相千玉妃窮神奪魄二十
四一一絕代褰素幃驚心炫目已叫絕指端又墮
金粉霏聲聲河滿腸欲斷一唱一疊重重翻請將

梅作君子壽墨作二百四十君無違

春王三日風雪夜偶拈

壬申

漠漠平林暝色浮故鄉如在異鄉愁書生勘破狼
居夢却笑三更下蔡州

一回飛舞一回停恨不高高積萬層行到谿頭梅
綻處疎枝壓倒喚難醒

又

騎驢得得去還停遙望前山隔幾層慣是衝風偏
熱客我酣一夢五更醒

迷離香逕古吳東傲汝春花刺眼紅莫問兔園尋

舊事漢宮人已葬秋風

題畫荷花

遺照光生玉版箋亭亭影裏幻因緣舌根饒汝青
蓮瓣輸與吳儂筆可憐

與楊子起宗

半塵北郭對青楓千首詩成不送窮一句吳江侵
骨冷憑君收入紙窗中

苦雨

芳草看如霧花枝半壓煙琤琮頻咽澗澎湃似翻
天燕伴愁雙語蕉心擾獨眠一龕禪火靜何事向

人憐

水窗讌集

華月今如此秋心到管絃幾重明滅嶂數點去留
煙詎有梅堪落猶餘柳可憐白頭交集在陳迹憶
他年

贈金亦陶

栗里無賓主相逢意自忘長鑱堅骨力短褐足飛
揚瓦覆青谿屋林環阮緒牀神仙亦何有跼蹐白
雲鄉

江天無限意興到畫兼詩脫手爭先後調心慙素

期琴樽籌遇合雲物快師資光景真堪惜華陽得
後知

贈徐貫時

滾滾誰高卧羣推大小山今兄侯齊先生窮將奇鍊骨道向
合開顏僻巷孤煙碧繁花一樹斑庭際山茶一樹百年物也不眠
聽夜雨書事付潺湲

山居雜興和未定弘公韻

一壑蹉跎久憑教事事疎未能持鉢乞深負帶經
鋤木石諧談性漁樵悟著書自從冠蓋絕短髮可
無梳

石亂蹊開仄霞平岫出齊谿聲偏占夕風意只宜
西自在塵依壑無心鶴印泥前却行迹斷一杖久
懸藜

與我周旋久吾生賴此山雲歸峰乍舞風定竹長
開泉繞清宜住松孤老趁關巖頭蕭瑟處好著一
衰顏

豈謂緣都盡安心藉暮年自今餘歲月此外等雲
煙簡點存紅藥生涯訂碧泉勿矜天厚爾迹與境
雙偏

熱謝冰堪抱灰寒石可敲菘畦吾倚命蝸殼爾稱

巢勲業雙推耦傳家一把茅輸心慚夙昔翻手謝
知交

重九前過梁谿宿胡存仁方伯齋

忽到秋深處蕭齋見故人拂衣當盛世高枕閱佳
晨連屋琴書轉侵堦草木親世年霜鬢叟重與話
悲辛

列席開真率傳觴較素心高山皆入畫秋氣總知
音菊把參槐棘鷓行滿竹林此中饒古意未許便

相尋

是日值諸先生真率會

話到滄桑處形骸我自疑虛無追逝水鳴啄自寒

枝莫便長風仕還從霖雨期潛夫今白首書札莫
遲遲

小逕諳五馬春來喜下過今春方伯偕秦對巖先生同過草堂青藜時不

在白飯竟如何余適他往不值飽噉松風去單聞鵲噪多至

今門寂寂遺笑滿藤蘿

聞說梁谿曲天開五里湖亂峰爭斷水遠寺破平

蕪風日容人好秋毫入眼無還嗤林處士莫便住

山孤

昨夜還山夢今朝鼓棹歸閒雲舒便卷倦羽息難

飛繫別斜陽柳縈心待雨薇明年花信發倘憶訪

魚磯

秦畱仙太史招偕徐尚書健菴山庄

門傍清谿轉堂憑石逕高面松標峻骨隱几得真

豪書到無堪讀篇成直壓騷碧山多勝事第一盼

亭臯

觴羽風行細鑪香霧潤重不須揮鑿落雅欲采芙

蓉深貯秋光潔長諳宦海慵翠屏當戶蠹意在最

高峰

柔枝當檻亞怒石攬牆坳學士籌耕犢尚書訪結

茅健菴欲卜居西山停尊聽候鴈開衍縱騰蛟分手何辭暮

已明詩集 卷八
斜陽下樹梢

贈陳集生

一棹緣山去乘秋訪好音
黃花供話舊衰草到傷
心夢幻人還在蹉跎老
各侵幾經回首處纖月墮
遙林

秋柳

依依剩影落秋庭
簾外猶餘帶雨形
還喜返魂香在抱
看邀春月隔牆青
依然叔夜舊亭前
竹刺花梢共往還
一自灞橋攀折後
樂游原上伴長眠

題梅花松枝圖

歲暮有人心獨苦
月華無主影相招
只因北渚空消息
長伴西陵慰寂寥

題秋蘭

籬菊叢枝纔謝把
閣梅瘦影尚全
賒幽香只在羅
含宅不向東皇鬪
麗華

已畦詩集卷之九

吳江 葉 變 星期

新綠 癸酉

碧城十二壓欄杆 一夜香紅褪盡殘
 青海珊瑚枝已沒 畫堂翡翠網交闌
 琴清別院誰為主 珠隕高樓影共寒
 最是平林煙似織 一齊爭上黛痕攢
 春塘泯泯漾春流 盡向春江影裏收
 一自丹楓憐薄命 遂令青女逞閒愁
 嫦娥慣見天如水 帝子遙臨目送秋
 想到洞庭波始日 枝枝木葉落荒丘
 王孫芳草已成茵 屋角牆頭慣接鄰
 粉蘂乍拋聽

夏玉紫茸齊甲看攤春凌波瑟香前心在斜月香
寒往事新此去方壺清淺路一重重隔不生塵

題查夏重蘆塘放鴨圖

放時容易捉時難

坡詩繞邨
捉鷺鴨

仔細江灘倚槩看參得

南泉飛過案旋身一一轉廻瀾

渡頭搗鼓簇征旗閒煞君家放鴨時
聊向羣鳧稱隊長一行行列各呈奇

沼鳳坡鸞觜脚同各矜毛羽各稱雄
只因飲啄憑人住翻羨衝波鴨伴翁

午日前三日同人集獨立蒼茫處
即事賦斷

句分九佳

空谷驚逢節序佳不妨勝事集涎蝸
誰人畫出昭

陽影提起千年怨館娃

鮮有宮
閨圖

叩籬客到脫芒屨不記長安白鼻騮
亂石千株叢竹萬科頭跣足當衙排

山人風月是頭牌苦徑縱橫十字街
此地終南無路逕祇畱鼓吹一庭蛙

南宮閱蹟落茅齋要與后生死便埋石馬
昭陵同

一盡夜深風雨護荒厓

同觀飲光
堂米帖

年來身世兩相乖剩有龍章未蝕埋

先世勅誥尚在
與同人觀之常

恐狂蛟穿石去一回展罷一回措

蒲觴滿泛是茅柴注玉傾銀一樣排寄語少年休

負却閨中莫惜典金釵

鄭子新婚故及之

題谿山煙雨圖

浙颺谿風帶壑吹諸天昏黑欲何之百端別有茫
茫集消受多生暮雨時

四山合處不分明贏得瑤璣樹杪聲怪底深深簾
不捲瀟湘一幅怕傷情

採蓮曲

瑤房昨夜夢徵蘭新著君王半辭寒採得蓮花花

欲褪何如蓮子掌中看

答吳邑張湛謀明府次韻

爲有逢迎雲啓關曉猿夜鶴伴衰顏無多老屋鄰
家僻不礙青松斷處山世外班荆誰好事眼前粗
糲謾相攀看君拂袖朝天去應憶巖邊握手還

贈耕雲開士

觸眼長河酥酪濃塵塵剝剝指紋中墨花有性開
無際筆壘多生築未窮真見當前圓似月回頭過
去快如風要知一字何曾說莫向行間覓異同

甲戌人日健菴尚書招同愚谷孚若諸公集

遂園分韻得鄉字

片帆百里只江鄉
 芒屨來登綠野堂
 別有煙霞分紫極
 乍驚壺嶠起中唐
 春來計挽年華住
 老去交從物換長
 莫遂銜杯稱樂聖
 待公三日拂巖廊
 谿迴樹亞繞方塘
 下食羣龍遞進觴
 人日暖催春未到
初十日立春 梅花信早臘爭香
園梅已放 青峰排闥堪忘我
 綠蟻浮船另有鄉
 園柳鳴禽看次第
 來朝選勝更移牀

奉酬湘鄰上人見贈之作次韻

廿年雌伏媿人豪
 當世何緣有贈袍
 曾過名山拈

一炷還聞佳句恰
 三毫調心半偈花
 同證當面孤

峰影對高猶憶指
 揮如意處幾回
 落月夢魂勞憶

山確公為湘鄰師也

宿積善律院次少陵贊公房韻四首

吾生本有涯
 調心問何時
 聊卧琉璃地
 伸足展前期
 時芳歲不與
 有懷孰在茲
 月沒松檜黑
 諸相現五衰
 預卜晨興事
 支離轉繁辭
 瓊光歷白榆
 開眼見果愚
 學道苦不篤
 振衣亦已遲
 何當更饒舌
 爬搔強吟詩

棲方閱布袍
 標俗剝角巾
 不知遺世事
 詎識當前

身乍聞八萬條律門有八萬細行聿見三千新犬師現瑞相
龍象徧天人無舌亦知嘗妙味有澗芹試踰雨花
地大雲起龍鱗

萬籟滿寂界羣動妙定香鼓聲隨月沉微颺應琅
璫八地悟不動塵土亦蔔芳諸天盛衣裊十住同
時翔我本丘壑子未掀黃檗牀四更披衣坐擾擾
玄與黃

蓮花六時開一一舒垂手金界本無塵何事沙彌
帚曦光穿層檐暗香馥邃牖粥飯無雜心食畢競
嚼柳著鞭媿不先行道常甘後多生妄語習恨不

丸封口六十八年來中宵細回首棲遲披林鶴跼
踏喪家狗未知覺觀方階除亦奔走敬禮優波尊
希空諸所有

放歌行贈山陽潘子半菴

江淮有奇士姓名埋市廛百金載美酒千金擲嬋
娟結客往柳市別業在藍田一朝魚失水曝腮困
迤邐營丘是前身縑素摹前賢慷慨對我說生平
諾與然滿懷有血痕驪龍探深淵俯首齧齧輩不
值半銖錢出門笑罔罔歸家媿突煙仗茲三寸膽
願向平原鑄黃河自西來君家門外還東望大海

水慨然想魯連伊人不可作拚醉高枕眠聽君片
 瞬語我亦欲涕漣勸君理歸裝高堂白滿顛米菽
 雖不易及子尚壯年此身未許人歲月如逝川我
 年既垂暮桑榆景已煎與子三載期訪君清江邊
 雞黍對夢寐浮生真可憐在坐有生公謂在昔開士謂子
 言可傳寒山此夕話他時共勉旃

題晴江春曉圖為何雍南壽

雍南長齋學佛

江長萬里流萬古萬春萬曉誰能數收入先生一
 刹那猶如醯眼徧知雨先生學道似食蔗十信十
 住節節許直到西江吸盡時此中方識甘與苦先

生試上金焦巔晴江變態有萬千方瞳兩粟如箕
 大照澈魚龍不敢眠

七夕京口程紫星招同陶穎儒何雍南孫月

潭章聖可張壯輿處冲集西郭別墅分韻

得蓮字

妙選陳觴地塵寰闕洞天陡峰驚倦骨禿髮有隨
 肩雍南一逕尋雲上長江落几前澹交萍梗合重見

社名蓮

縞紵歡傾蓋河梁分手篇我遲娃館月君及玉河

蓮有客北命妒文章伯謂穎儒失館選狂隨詩酒緣一尊今夕

把忽漫是離筵

名蹟陳莘老奇文彷彿玉川命觴思鐵筵妙舞語雙

纏客述善和坊事一笑

抹電千年藥伸眉十丈蓮杯傾情不極

日夜大江旋

賦得山雨欲來風滿樓

雲氣連潮白松濤壓瀉流蒼茫天欲墮颺沓谷疑

浮萬卷蛟龍擾千林鸛鶴愁北窗方夢穩忽漫念

歸舟

題在昔雲抱堂

不謂禪關內居然方丈山一拳奇作供九折險須

刪花月仍昏曉浮雲謝往還知君耽性癖未許遜

仙頑

訓在昔開士次韻

招提翻遇酒杯深衲袖儒冠各寸心雲物當前忘

歲月風流回首幾人琴千塲青汗輸全僻一字鴻

辭薄碎金芒屨此生長作伴水窮路盡好孤尋

逕絕終南矯語深幾人猶有古人心因看漢月風

傳笛不信秦坑火到琴小院蒲團吹宿火野塘木

鍾擲鋤金天隨剩得無言鴨餉與先生醉夢尋

即此何妨市隱深鷺飛鳧浴拉同心遙峰紫翠如

環障夜月瀟湘命鼓琴琴曲有瀟湘夜月六尺枯筇驕佩劍
 一牀蠹卷賤贏金從今莫道經過數霜滑風淒便
 去尋

一唱餘音宛轉深鐵須竹骨石為心直追支遁神
 行駿不鼓嵇康絕後琴莫似看花長在夢時人看此一枝如

夢中相似公案還除刮目翳中金數聲清磬詩成後衰柳灣

頭好共尋

疊韻答殷子偶來

紅塵隔處即山深短褐相依問此心酒已無人誰
 擊筑僻還有畫叶鳴琴一生獵處休誇腕萬事輸

人只為金知爾白雲巖下住秋期策杖定來尋

再過寒山寺雲抱堂作

自入寒山不記旬叱羊夢鹿也疑真逃名無伴難
 諧俗避世相逢便可親谷口籬邊還舊業桃花流
 水是隱人江湖篷底魚羹飯昨夜西屈慰爾貧

次僻間華山確公韻

到處塗窮比不窮短松修竹各成叢枝交僻仄疑
 無日戶壓崖蒼自納風天地何心畱鹿覆谿山不
 礙作鷗籠眼前面目誰能識試向東林參箇中

過東山翠峰寺訪輪公不遇

逕折峰迴只此間白雲黃葉界重關老將短策依
良友寒伴孤篷歷故山落木風高驚薜荔在山泉
出任潺湲何當一步中庭月未許幽人照破顏

小春十一日泛東山同諸子步月度嶺至高

峰卧佛寺三鼓而歸

千載黃樓後于今復幾宵月沉峰箇箇樹斷澗迢
迢谷響僧寂雲深護犬驕老夫隨數子賈勇上
層霄

地轉天迴處乾坤放眼齊佛僧高竝卧

寺名卧佛
時已三更霜

月冷空齋茗果山廚供壺漿行棹攜林間敷坐好

忽已唱寒雞

僧話前朝事浮雲瞬息過興衰松記憶心迹鶴如
何伎倆嗤山鬼陰森度女蘿仰看星過處倘許訪
明河

興盡迴筇路空山轉有情下方仍入世明日惜分
行寒月銜峰去霜楓隔水迎此游真不惡恍惚似
三生

殷子偶來招同半菴在昔便坐小飲拈得來

字

諾我無兼味為君特地來矮牆藤自縛敲版竹斜

開世要從心避貧經徹骨回不勞提往事厭煞是
蘇臺

稚子應門立奔呼客到來禮疎同調慣杯急客愁
開晴日茅檐動微陽麥隴回為君拚盡醉知已是
荒臺

秀水姚質菴齋頭水仙一盆花苞久未茁詩

以催之

籬菊摧殘後寒香望爾芳黃中如自秘玉映愛韜
光葉葉青舒緩頭頭白未霜花神全不管我早注
糟牀

莫負蕭齋好年年壓倒春一叢徒綠暗半面匿嬌
顰清晝沉沉寂寒鐙黯黯親千呼仍不出遮莫畫
中人

居士清齋後難銷一盞茶水中豈有宅仙去想無
家色艷須時早花王讓別誇莫口知已少甘自伏
塵沙

贈沈蒼舒

憶昔論交日鵠原四十年今兄藕菴雨風深研席花月

半嬋娟汝穎逢荀爽池塘有惠連不禁華屋淚巢

燕舊堂前

送曹希文北上

曼聲轉處促離絃腸斷江南臘盡天怕見玉河新
柳色回頭人在赤欄邊

題希文蓮子石榴冊

人言榴子甜更說蓮心苦甜苦各自知相逢兩相
許

和濟蒼上人原韻

立處何須問別峰別峰只在此峰中自從吸盡西
江後那得湖流一滴東

春間挈伴踏高峰一瞬流光冬又中從此直交成

住壞笑伊化鶴說遼東

贈月槎周郎

茅齋剪燭記春慵入坐明星玉女峰畱得雙蛾頻
轉處疎簾影裏暗香重

別來楓葉落青谿慚媿三春鳥夜啼回首板橋分
手處亂雲堆裏夕陽西

雨絲風細滯歸津漫撥檀槽入破新最苦陽關翻
四疊畫樓回首摘花人

贈緒風朱郎

杜父膚清年正髻一枝花發傍雲霄蓬萊清淺渾

難到却在揚州第幾橋

前身不是杜蘭香月袖雲襟徹底芳莫待一聲河
漏子畫屏先下淚雙行

校蘭游仙詞為廉讓主人作

聞君昨向瀛壺去小有重歸第一人舊摘芳蘭還
在手國香和淚葬全身

零風斷月佩聲還宛在明星碧海間多少關心眠
不得攜雲歷盡望夫山

乙亥元宵獨夜荒邨陰不見月慨然有作

七十元宵節從前閱歷人榮枯均失笑衰病怕逢

春雪壓邨霾黑鏗昏屋角新萬方簫鼓夜高卧一

閒身

久向滄江住佳期絕往還月應聊避俗鏗不照空

山夢寐饒高枕淒涼付閉關白頭霜雪盡不復見

餘斑

虎丘雜詠

劍池

莫挽吳為沼藏鋒荅主心有天沉澗底帶月就峰
陰環珮銷兵氣淒涼入杵砧望中麋鹿苑蕭瑟更

難尋

養鶴澗

六翮今何在誰憐秦養心堂中無食客水畔尚荒
禽想像飛鳴態如聞霄漢音乘軒曾一夢漂泊到
如今

千人石

石妙無人境人千誰共懷伴風遲細佩帶酒墮橫
釵不是羊腸坂如登鳳尾階欲將千古恨藉爾壓
沉埋

試劒石

石破天應泣專諸血在襟劃痕苔不漫卧處草俱

深冷盡綢繆念銷歸決裂心淒涼牛斗氣應否夜
龍吟

可中亭

落落乾坤裏亭亭此一方月來偏著意山近恰相
將四面傷心到當檐望眼長我行聊復憩誰使汝
難忘

五賢祠

藉此名山氣谿毛慰所思樹棠畱幾代遺笏不同
時松檜千春雨冠裳異世師蒸嘗喧伐鼓謳詠到
今茲

點頭石

石性非人性人身證石身豈期強項質竟作點頭
人骨相稜嶒異機緣索莫真倘逢黃檗棒錐碎筆
埃塵

真孃墓

一杯黃土處大地古今情斷月零風片幽香弱佩
行柳絲遮不住松粉落還生別去休回首傷心怕
聽鶯

邗江賦別溧陽史西翁

為予庚戌房師令嗣

白首門生三十年支離已似隔生緣君家兄弟未

南北每睹停雲便惘然

哲兄簪筆傍雲霄

曹司

椽養高堂晏綺寮謝傅門庭

通德里連枝花映漢家貂

世傳銀管五花新况是池塘句有神幾許柳家風
範在分君才藝餉千人

荒畦汀畔夕陽開鷗鷺驚飛掠水回知是故人聯

辭到

戊辰季春西翁同處冲借過草堂
處冲為予座主京江先生令嗣

石城雙槳渡頭來

眼無十日借平原春韭秋菘當肉燔天上管絃山

鬼駭隔谿此夜不聞猿

邗江如帶月如鉤曾遇聯鑣倚陌頭忘却酒粘衫

袖重人傳別有望仙樓
落拓飄蓬七十翁重來此地有無中
今朝提起銷魂語畱在蕪城付斷鴻

題友人延翠樓

暮捲朝飛花月鄉無人指點誤瀟湘
館娃天畔渾如夢莫倚危欄枉斷腸

傷心一帶碧連天河漢西流過枕邊
休負百城南面事何人消得萬家煙

十二無端擬碧城高低玉局短長檠
不須唱徹烏棲曲月上風簾已四更

口占贈揚子起宗

明初詩人揚孟載君今才調似前身
楓江舊有傷心句為囑西風護小春

時值初冬

贈馮子維申

世事還同楚失弓寄身天地等房櫳
詩從謝朓難為句酒有公榮便與同
鴻鴈樓高寒水淨蒹葭人在暮雲封
門前便有潯陽月不待蒲帆六尺風

以申姪新築山齋壘前韻

剪取雲巒貯一弓攜風帶月傍簾櫳
黃花白髮參差好時初冬菊正茂
流水高山訝許同祇有文章畱蘇壁不

教車馬到丸封吳臺舊是傷心地把酒應須醉晚風

簡輪公

三十餘年燕月虛滄桑萬里袖中書

甲辰與輪公聚首燕臺竟歲列後輪

公北游寧夏南游滇南睽隔者二十餘載衝冠盡薙秦廷髮縫掖全更魯國

裾絕壑我拚垂老釣追鋒君應出塵車故鄉白首

吳臺暮世外行藏兩不如

殷又斐初度

郊居住處句堪尋霄漢清忠宅相深

令外祖周忠介公

自穩

北窗元亮卧嘗捫東海曾連心謝階陸屋多名士

宗僻嵇琴足賞音共指庭前嘉樹在貞松勁柏映

堂陰

尊堂以貞節旌

京口作

朔風動地大江鳴猶說南徐北府兵鐵鎖幾人籌

異代布衣終古悔成名

用劉毅句

江山無限漁樵計木

葉頻驚關塞情試上高樓憑四望不禁淚下媿平

生

朔風動地大江鳴邂逅蕭然魯兩生不盡夕陽隨

處下何來塞草向人生酒嘗京口添吳味人過山

陽變楚聲切莫臨風歌玉樹沙沉折戟恨難平

題沈客子林屋山居圖

丙子

我住橫塘一曲中，隔湖朶朶插芙蓉。推篷瞥見湖心月，照到幽人第幾峰。

出山先作住山謀，水畔茅齋山畔舟。木客水仙啼笑處，生平不解識公侯。

我逐雲鴻如不繫，君招猿鶴細商量。楊梅爛紫朱櫻赤，斷送黃金白玉堂。

題鵲鵲鷓鴣滿平沙

生涯只合在煙莎，相視忘言轉自呼。滿眼風波千萬里，祇今何處不虞羅。

上巳後三日遇胡存仁方伯於虎阜精舍示

贈鄒郎作和之

我是逃禪行脚師，曾無一物可時宜。已知錯認前塵法，一任香山喚柳枝。

六時粥飯也須忙，著處慙懽傀儡場。只有閒情銷不去，還拈五柳一株香。

善和坊裏舊知名，慣惹司空擲地聲。懵懂山人何處住，蘇臺西畔暮雲橫。

白紵紅絃付寂寥，故人百里遇清宵。生天成佛無巴鼻，屈指三生石不消。

宿慧慶山房

觸熱尋幽底事忙誰人高卧北風凉閒庭却有閒
花草珍重人間護晚香

浮蹤一榻借禪關架上蓮花壁上山記得海棠銀

燭夜銷沉清夢葬紅顏

室前向有海棠一樹甚盛今摧折盡矣

將遠游奉別諸同人

有序

余生平好各山水如同饑渴岱宗嵩少匡廬黃山曾陟焉而得其勝獨未登太華我着為憾今年已七十倘復遷延不往其不為終身疚乎決於今春奮然出門以畢此願諸同人咸以為駭且曰未聞年七十而遠游者不為身計耶余曰人之壽夭固不可以年豫計且余此行原不決望生還余回想七十年來憂患險阻無境不歷每誦孟夫子生憂死樂之言信其理之必然余一身之外無毫髮足繫戀倘獲長逝於削成萬仞雪嶺天半丹崖翠壁古剎名藍之間當便埋此題一碣曰有吳橫山人葉子之墓斯願長畢矣定遠之生入玉門不敢必也今感之鶴歸

華表其庶幾乎敬賦短章奉別同志

蕉鹿循環七十年醉醒夢覺總茫然吳宮花草從
無分一擔窮愁到處緣

橫山小築閉柴荆水火凶喪盜賊并好向別峰相

見處文章花月兩無情

廿年空谷結同心流水高山托賞音別後相思何

處寄萬重關塞覓楓林

杜詩魂來楓林青

歷數行藏似海漚支離我喪我身謀而今莫說團

圓話封得我着雪一坵

我生兄弟八人行腸斷鴿原盡北邙剩有頽翎飛

不去只尋絕壑禮空王
予同胞兄弟八人七人俱早世極壽者止四十五歲剩余子然傷哉
汲公慙直能容少坡老時宜不合多劉四何緣人不恨自傷磨蝎命如何

綠蔭堂看牡丹

滿浮琥珀問花神知是前身與後身記得去年曾別汝重看羞殺白頭人

主人開宴當紅妝名士傾城兩不妨莫更高燒銀燭照怕伊夢醒費思量

贈唐友

張緒風流交有神四唐詩屬姓唐人如今誰是芙蓉主好趁桃花去問津

楊花

小蠻腰瘦不勝情斷粉飄雲縵舞裊莫便漫天飛不住樓中尚有未歸人

程梓園侍御集同人則學草堂

領略秋風有幾人忽驚鰓有細鱗登憑君乞與鱸魚骨持向吳江酌季鷹
有鱸魚鰓

主人召客選疎狂好語抽絲斷盡腸巫峽青峰屏十摺夢中措大作襄王
畫屏十二百美圖

槐枯棘萎隔前朝玉管才人凝碧凋扶髻淒涼人

面香幢幢鐙影落紅潮

有客談明季遺事

贈蜀僧蘭邨

誰能問訊勤巴子拂面薰風六百年萬點蜀山青
不住我眉面目得君傳

芒屨萬里意如何不害毘尼對酒歌揚馬文章埋
骨處傷心爭似杜陵多

仲秋下浣與顧子戒存訪雨花居聯句

秋雨連宵霽已閒尋北郭游林深鳥語換戒路滑

草根柔半掩禪關冷已纔聞磬韻幽桂香依雜樹

戒蓉艷帶新愁蘭已當門萎已桐驚別院秋支公

高卧穩戒安道寸心酬不二重重啓已非三網網

收調心當養鶴戒混迹欲盟鷗頰上毫添妙已看

間劔欲浮詩仙惟有白戒酒戶孰封侯香積新烹

薜已曇華舊聽籌移宮蕤欲躍戒洗髓七無尤童

子傳彈指已先生代進甌也當軟飽快戒漫寫硬

黃畱新黍廚飪苾已寒蟬砌唧啁煙雲茫萬變戒

海嶽繫孤舟鈴鐸情何劇已謳吟事未休丈夫眼

底闊戒吾黨足根由故里風光老已他鄉道路修

三年遲一晤戒何以釋離憂已

日升深水芙蓉似蒲生怨秋塘渺渺凌波趾夢得
善多情嬋娟落吳市悽咽秦娘行聲淚顙交泚希
世有坡公開闢擅文史枝上柳綿詞何人雙淚纏
活計舞裙拋悟得六如旨海角埋朝雲荒草非耶
是歷數傾城姿命薄皆如紙幾人躡月聯雙美竝
誇侈玉碎珠復槌孰是歡終始狼藉顛童頑摧殘
儵父委血染碧羅裙啼鴈痛蒿里四座且勿喧聽
我歌未已名士孰可堪傾城果誰以惟彼琴心匹
千古獨絕耳

詠史

孫郎起江東十七定霸圖李氏肇太原十八羣雄
誅天奪伯符年賊瞞逃伏辜歷數歸秦王建克相
繼屠兩君蓋世傑非有甲乙殊唐允集大統孫厄
僅偏吳論世迹成敗無乃愚鄙夫蒼蒼不可卜顛
倒弄狗芻惜哉周公瑾沒世不稱孤

烈風行

海水挾山逐羲和夸父映破天孫梭共工頭碎地
維斷畢昴箕尾如旋磨江南海西城邑聚一點一
點蠶螿窠高樓重閣壓大路紅妝燈火顏微酡牙
檣錦纜四十里蜀錦粵葛齊紈羅中宵調調大聲

發屋角霹靂噫氣呵咫尺震烈天在野滿空瓦石
飛相和耶娘妻女哭相抱河伯海若相牽囚一朝
活俘數十萬子女魚鼈玉帛波豫章陽厓百千歲
根蟠泉底誰能那截蔥刈韭等莖草空山偃卧樵
者過大塊氣平瞳旭見萬象一瞬處處叱百年老
人牆缺坐問之不言淚婆娑

廢書而歎行

秦坑一炬青竹絕萬古歌哭兩俱滅書生孤憤更
何從弔古無憑休擊節誰奏鯁儒馬上篇重令腐
史謗書揭天荒地老從此長墨漬行間噴碧血龍

魚鼠虎幾春秋梧山湘水同崩竭艷骨明年草又
青茂陵無樹秋風烈玉簫金管兩頭空漢水無情
西北咽宵來展卷坐愁城紙窗颯颯暗短檠千秋
亦何與爾事拔劍欲喝月倒行安得祖龍今復生
盡束黃卷再擲咸陽坑

賦得富貴應須致身早

君不見願五鼎烹膠東偃武皇書奏恨見晚又不
見江左方伯荀中郎二十八歲節鉞光勲業青冥
那可期白髮三千丈早催生平志願非溫飽莫待
齒豁腰領垂渭濱釣叟老始遇鷹揚却在百歲暮

朝露先歌牧野年
枯齒那落營丘墓
孫郎十七定江東
仲華二十中興功
勿言利劍長在手
他年遼海哭西風

賦得碧海青天夜夜心

一別塵寰不記春
夢回悵冷自相親
諸天色界憑欄候
終古黃昏對影人
誰向廣寒呼月姊
漫同織女盼河津
依稀猶憶當年事
灰盡人間劫又新
難叩高高離恨天
霜清露冷若爲緣
曾聞流水天台遇
不信行雲巫嶺傳
無地埋憂攀桂老
何人寄語對蟾眠
藍橋亦有神仙侶
贏得清虛碧落懸

生怕淒清又入秋
絳河瀉影半銜鉤
何勞紫鳳窗中舞
轉盼明星殿角流
抱得雲和祇自見
擘開鈿合此生休
捫心若問愁多少
碧海方他只一漚

錢子若三家藏鎔金鴨鑪一枚係大內舊物

其先尚書端惠公流傳百五十年矣一旦

失去忽復得之喜爲賦長句

九華帳裏舊煙凝
零落人間睡未醒
點點侯家金粉膩
微微鄂被玉膏腥
常隨荀令風傳袖
曾伴尚書影倚屏
此日蕭齋仍故物
悠然棊几一鐙青
暖護流蘇幄裏凝
嫩寒破曉夢初醒
半奩乍起龍

涎潤一捏纔粘獺髓腥氣繞秋娘連蕙畹篆迷雲
母隔晶屏昭陽人去誰憐汝玉盃同悲幾樹青
晚窗宿火曉猶凝金屋沉沉睡不醒潤逼半弓行
纏滑春垂一縷守宮腥帶人冉冉雙垂翼望遠依
依獨背屏不逐白鷗江上隊年年輸與草青青

初日芙蓉

曦陽東上照秦樓彼美何來江上愁曉露未晞珠
欲動明霞初散綺還浮一枝倚沼雙窺鏡八面交
光對射眸何事詩人同解語故將臉際筆花雷
落花和顧子來章

東皇去矣拋羣芳胭脂狼藉委道傍南鄰爭誇多
結子西園却嗔早落霜怪底一枝兩枝減却笑昨
日前日狂莫道與君此別久明年還醉看花觴

和同年陸義山閣學偕諸同人集陸顛人南
田草堂

放艇城南衰柳邊乾荷叢荻倩鷗田客無別調何
妨老花是同心不在鮮已過殘秋寒訂歲偶談舊
夢醉忘年素琴几清如水莫向滄浪笑計然

聞鴈

別爾花盈路重來霜已清乍驚孤館寂復亂曉榔

已巳詩集 卷十 二并韓堂
鳴歷歷疎鐘應遙遙落未賡北書憑語報如見故
人情

搖落他鄉伴離愁咽萬行負風音帶澀沾露韻偏
長空外傳聞福虛無唱和忙我將謀托足問汝卜
滄浪

去國三千里緣何鼓越吟一聲催怨笛幾陣和寒
砧入拍渾同調相呼只此心高樓人未睡側耳到
如今

賦得花隴多陽遲

二月花爭發尋山一逕冥峰迴常抱影雲斷半銜

青柳露沿谿屋人歸隔嶺亭桑榆畱晚照尚及渡
前汀

臘月過婁東訪錢瞿亭中翰天藻園主人召
集同人極林泉歌舞之勝即席得近體十
章次少陵何將軍山杯韻

爲訪林泉勝朱門接板橋層冰峨碧澗古木擁寒
霄城郭名山契濠梁出世招尚餘游倦興擬攬十
洲遙

畫閣新陽護溫窗展簟清坐深頻狎鶴歌出乍疑
鶯桂葉初傳酒桃花預饌羹恍驚天姥夢攜向鴈

山行

危磴緣谿立橫槎傍壁支一峰開四照千影入中池人世疑何在吾生竟不知凌寒菘甲拆嫩綠轉紛披

曲坐輕喉轉新聲絳樹花佩翻驚漢珠潤落隋蛇白髮空長歎紅顏不肯賒餘生茅把願移住傍君家

度嶺松雲合穿林篠翠開雪融春入柳臘逼信先梅閣暖笙簧潤鑪香鷓羽來何當誇稱意坐立任蒼苔

樓迴千重日坡廻百折泉秦箏憐促柱燕玉可勝綿拚飲非同阮誇詩恰姓錢李端錢起事吳宮纔百里仙洞隔山川

小有清虛境幽花發晚香莫愁風尚峭可待月升涼賜席傳家在宸書舊閣藏忘憂深愛日及鬢未蒼蒼

晚蘭階玉好聯袂鳳凰池碧漢通冠冕紅泉自接羅高堂娛趙瑟香逕選吳兒無限人生樂良辰事隨

高檻傳清籟叢篁護斷雲他時懷嘯傲刺句媿詩

文入眼心常繫相思路已分快游須秉燭世事莫紛紛

杖藜殊未已白日奈西何回首曾經地捫心聚散多
憑誰憐短髮對影自高歌還訂花開後重攜芒屨過

婁東經弇州先生廢園有感

蓋世才名重二龍輞川高致見遺蹤山丘歸後蒹葭冷
華屋存餘鹿豕逢洞地無春雷宛委終天有恨泣杯封
江鄉莫道河山異閱盡榮枯是暮鐘

除夕訊汪秋原

不敢高歌動鬼神塗逢阮籍便相親交情垂老真纔久
詩律招窮變愈新強整歡容年話別但將子影客邀春
嚴城萬井喧騰夜遙想蕭齋對古人

丁丑孟春同錢子立三坐黃葉上人精藍題

贈和韻

萬斛囂塵現境幽剩寒嫩碧宛深秋優曇一丈重
重閃巒翠千層遠遠浮小有似疑歸月府多生只合倚
江樓蓮花色相都忘却那數人間照眼榴

和陸義山看梅次韻

春到思君日幾回遙岑近浦憶重來一枝曾送銷

魂別滿眼難逢得意開
 祇許三分香破萼何煩
 千日酒銜杯天涯已慣
 如霜鬢不待垂垂朝夕
 催領袖羣芳豈在花輕
 妝濃抹笑繁華無心自
 許橋邊柳不嫁嘗辭嶺
 上霞曾倚赤欄人面面
 遙連青旆自家家即看
 十里山塘上却笑漁郎
 漫口誇怪底山人瘦入
 辭豈無窗外最繁枝偶
 從玉笛傳眉語奚事銀
 鬢賜口脂有路開扉春
 夢去何人隔院月痕遲
 易遷宮裏枝枝繞難得
 蘭香共一時南陌香連
 北渚林孤山處士箇中
 深生來骨相原非薄何
 處心情一往尋細寫輕
 颺春入幔落英流

水韻浮琴多生覓得埋
 憂地又被疎簾淡月侵

至盛川感舊有作

三十年前萍梗身重來
 仍是倦游人空餘蕙帳
 畱書帶歷故人舊館無復
 繁花覆舞裯寥落酒壚
 千里駕依稀雀舫半江
 蘋如今都付前塵夢笛
 裏關山迹徧陳

晤談子景鄴周子雷門
 潘子含章夜話有感

岐路何妨任草鞵伯倫
 荷鋪朱忘埋交因契闊
 貧逾熱境到荒涼雨亦
 佳羞向江潭誇屈宋偶
 經池館憶茅柴諸君合
 作金門伴一尺枯桐百
 尺階

仲春偕諸子過東山宿擷芳草堂作

湖影連山動魚梁積霧開三年爲別久六幅故人
來岸雪猶遲柳鑪香欲奪梅黃公壚在眼江上笛
堪哀

聞蛙

一倡齊高和乘時陰雨逢道傍喧草舍驢理競泥
封任爾羣稱黨難爲默自容變衰秋氣至赤族便
無蹤

豈有枉難直呼號顛轉頻夜郎真自大蚤起瞰無
人聲疾傳何徧雷同聽未真池塘無限好竊據已

經春

信宿永定講寺漫賦五言近體四首贈海印

弘公

寺古千年在憑虛得混茫落花爭歲月清磬護興
亡舊事茶瓜老新參戒領香白頭回首處廿載兩

相忘

與弘公訂交
二十年矣

老杏因風湧衰蘭得地滋非旛馴鴿在繞砌候蟲
知媿我猶餘夢因公得自師荒籬叢菊老風日正
堪遲

魔外今方盛何人往仔肩華嚴第幾界賢首若爲

傳鴈影寒潭獨霜濃石路偏深宵長不寐底事越
吟聯

乍接晨鐘響何來天外心時時看劫火事事滿寒
林去住雲憑岫生涯月到襟還因世出世多費幾
沉吟

再疊前韻

鐙影懸今古心清晰渺茫一龕函浩劫六代等銷
亡月冷光堪酌花寒體自香砧聲何斷續舊夢未
能忘

世變風思古吾衰菜可滋亡羊誰自覺得馬競新

知葉落無前後蟲吟互友師猶餘佳興在霜葉不
嫌遲

廬嶽名賢近潯陽孰比肩憑高雙眼在仰屋幾人
傳薜荔衣堪製梧桐爨自偏宵來風信急急囑補
籬聯

塞鴈迎寒下勞勞往返心風雲辭物色杖履託雲
林妙諦痊餘習晨鐘洗宿襟此心歸靜域擁被莫
吳吟

丁丑除夕寓大乘招提作

在郡城東北隅

爲覓棲遲處禪關選寂寥半龕沉萬籟浩劫到今

宵十里無家隔三生付夢遙誰言憂可忘柏酒試
明朝

鴻爪原無迹他鄉此故鄉明星催守歲宿火祝餘

糧俗例造隔年飯鴉散驚枝穩鐘殘後夜長檐前梅欲語待

曉細商量

風俗形容在虛無故事尋漁樵肝膽地花月死生

心萬井喧遙夜空樽冷獨吟竹鐺茶屢沸靜裏有

餘音

歲月深深積朋交淡淡刪人思餐白石歲大稔幾我

亦厭青山香炷參心妙鐙懸境不閒他生何用卜

且逐少年班

奉和宋大中丞綿津先生過訪二弃草堂不

值原韻

吳宮蘭葉逕飄香車騎遙臨背郭堂聞道疏泉通

碧落人間那更有滄浪

高情入漢片雲奇遠聽風瓢信馬之若到桂叢花

發候曾諧小逕又秋時

附錄先生原作○柴門寂歷豆花香躡一曲清池對草堂常日觀魚人
似鵝心應喚作小滄浪余署中泊小滄浪

別浦幽幽境愈奇春風籃輦爾何之小山叢桂清陰下想見蒼茫獨立
時書室題獨立蒼茫處

再疊前韻

新詩裁就熟名香政事文章綠野堂閣裏名山階
下水白家池并入滄浪

山傳谷應事稱奇子子干旌報所之籬塌蒿深何
處是朱輪驚起白鷗時

三疊前韻

風迴遠度令公香家世庭槐王謝堂共訝閣門涼
似水始知繞屋是滄浪

無才蠖伏敢稱奇踽步滄江那復之菱刺藤梢無
點綴斷花零草送春時

四疊前韻

藏書賜袞鳳池香褥席重重滿錦堂記取平津高
閣在憐才異代到滄浪

才人梁元絕稱奇那說當年杜牧之試酌姑蘇臺
上月如不是鹿游時

黃拉精舍坐雨口號

如聞隕葉傳深坐為甚淋鈴滴瑣窗曲罷清湘人
不見隔谿峰送碧雙雙

過淨因山房索酒口號

精藍未許俗人存修竹千竿好挂門游徧百城煙
小盡誰家收得善財魂

已田言集 卷十 二 草堂
衲衣典盡立錐存 蹴倒軍持釘櫛門 爭奈高陽徒
伴到南方剩有酒人魂

催妝詞

鎖窗十二洞房深 玉琢飛瓊畫不成 記取機絲新
樣錦穿花紫燕聽吹笙

仙源行

贈宗姪仙源

閭門十萬家如煙 肩摩轂擊雷咩 碾塵埃野馬競
吹息 巧智勇力奔波旋 中有山人棲半廡 後支折
鐺前陳編脫粟 數龠晨與夕 歌聲自達無因緣 怪
哉杖頭忽挂錢 客至沽酒傾其饘 老瓦盆翻堪一

醉敢向醉鄉稱外員 問君何爲棲喧闐 君言此地

桃花傳

巷名桃
花鵑

武陵漁人不可問 仙源只在市上垂

簾之一椽

戊寅仲夏同人集虛已齋 縱談竟日旁及丙

典步東坡岐亭韻

仰夏氣鬱陶 蝸涎蟬綴汁 檐花滴岳鳴 我榻緣之

溼萬物困不甦 女歌方自得

蚯蚓也

麥黃逝將爛窮

眈禱暘急不已 晦鳴雞自呼 遙聞鴨曦輪安在哉

無乃大千羃越 一日子夜微見東方赤 山出浮雲

動杲杲 漸湧白急起披衣裳 振刷衝冠幘 遙林如

新沐碧草初收泣曳履啓荆關籬塌苔角缺快遇
二三子共訪同心客南陌有虛齋速往履已集

主人設壺觴剪萋擣薑汁大火正司辰時果濡涼
涇楊梅紫未熟甘蔗漿可得一肉市猶遠饕腹望
頗急我已事長齋久謝比鄰鴨胡餅新麥佳鹽齏
灑如羃素饌頗兼人過飽面盡赤食肉如銜枚悄
不聞浮白彼此俱適然呼僮持去憤白首三四人
枯魚無事泣回首百年內何者全何缺我有迦文
師久爲座下客洞然宇宙間無使百端集

妙舌敷玉華刮日屑金汁磨醯無暈照兩點三千

涇爾我亦何爲枋榆徒自得成住剎那間壞空殊
急急蚩蚩電光中羣睡綠池鴨連朝喚不醒無乃
眼重羃三拳如可參無位肉團赤具足妙蓮華紺
青紅黃白摩尼得寶珠永捐帶與幘譬彼釜中豆
無知何事泣天地安能全而我日坐缺聊復自解
嘲謾說賓與客此會各珍重涼秋須再集

閒庭晏然悄蝶粉粘蜂汁晚花萎將盡葉底猶剩
涇瑣桃生西番君種何處得萱草兩三枝藉爾忘
憂急藏山多狺狗沿谿好放鴨正欲致西爽疎簾
捲勿羃天竹纔素蕊粒粒幾時赤桐花可愛人娟

已明詩集 卷十
娟露華白主人耽詩句搔首擲去幘松火烹羨茶
設設如聞泣尊壘具夙陳毋使勝事缺東西鄰幾
家頻來主忘客雅會宜有詩詩多應成集
素琴無絃張碁枰粘酒汁晨來雲晴開晚別山翠
溼來去不厭疲送迎簡各得我看九龍山泰然殊
不急何為羣動性拍張類彼鴨老眼閱滄桑無異
重重幕自惟崦嵫景但見虞淵赤千載素心人我
懷廬社白長林慣散髮久別切雲幘蘭亭念死生
猶作兒女泣嗟生辰不逢跬步皆值缺白頭傾蓋
謠薄俗難為客長繩繫西飛百年嘗相集

寅春有中州之行及門賦讌別詩以送和韻

答之

浮生何地不浮家捏目徒勞狂作花閱世逢場成
覆鹿長空無盡任飛鴉一尊芳草春纔去百尺孤
桐日易斜慙媿諸君多鄭重金鍼繡出萬年葩
問訊天涯處處家不風流處恰風花夢堪托足峰
前鴈寒寄孤飛水盡鴉刺眼韶光隨酌取過頭老
杖聽敲斜不辭雙鬢蕭騷甚歸袖還攜少室葩
漢南河朔盡名家轉眼華林上已花鳳沼風清班
俟玉昭陽日近影非鴉好攜赤管毫芒直待擁青

綾被角斜莫道長卿消渴甚金莖玉露燦繁葩
有酒當尊便可家篇成擲地韻含花諸君直上搏
霄鶚老我無依繞樹鴉衣帶漸隨秋氣緩車輪難
避太行斜盈盈潭水深千尺紅雨桃花又發葩

和海印弘公除夕韻

己卯

雙丸跳躍去還來積劫時時挽復推桃榭漂流終
不繫楫爐隱約漫成灰捫心歷歷俱緣妄回首塵
塵總是孩就裏一宵終古意明朝面目又重開
來無介紹去無媒任爾迎新送舊來隨例形骸隨
例在一年花月一年灰難遲天際孤鴻爪畱得階

前半樹苔聽罷鐘聲交子夜禪扉板落放參開

黃葉坐茗譚竟日次友人韻贈澹懷開士

太常齋謝酒杯寬爲怕傷心罷夜闌芳草路迷孤
客迹上方月許野人看拈來黃葉同參少只礙浮
雲望遠難挹得蘭香恣鼻觀餘年此地儘盤桓
瘦筇恰稱帶圍寬綠領霜華事事闌隔水松風堪
入聽帶人蘭氣怕重看香心湧已空成假塵影隨
去更難聞道鄴中才士藪西園曾否有曹桓

和胡子斌菴風木吟

至性發天句因懷萬石君淚枯漬墓碣夢感落寒

已卯言集 卷十
雲白雉新邱集慈烏故里分荒郊宿草道試讀伯
喈文

獅子峰行贈自安法師

閩城西山無數崩律透迤紛碁布萬態天公賦
物心象馴虎伏妙脫兔中有兀突獅子峰似蹲似
走復似顧我聞大士號文殊將無乘此來東渡一
竿標刹峰之陽獅子嘖呻覓法付毛骨聲音百獸
尊自公收作座下步六時如雨妙蓮花蓮花盡向
口中吐我來曳杖峰之巔獅王無始皆因緣請公
放出鉢中毒龍與相見誰賓誰主請公叅

已畦詩集殘餘

吳江 葉 燮 星期

次韻訓學亭二兄見貽之作却寄

兄時官濟寧余
初到寶應作

只伴霜檠獨夜看時宜未學謾當官隨方好覓安
心法拙宦纔諳行路難零雨暗催孤棹急倦蹄去
傍落星寒入門微椽羞妻子不敢臨江賦采蘭
刺眼韶華一晌殘冰霜壓剩帶圍寬憐君老去腸
還熱笑我塗賒鼻欲酸三徑自拋松菊舊一枝即
託牧芻安闔閭城外芙蓉老還訂肩隨把釣竿

次韻荅王築夫

寶應人

舊是滄江嬾癖人那知入俗辨澆醇新硯難發着
稜蹙夙習何緣手版親却怪涇雲浮不去喜逢白
首好如新襄陽舊事從公憶努力千秋在釣綸

紀事雜詩十二首

皆寶邑實事

御馬來

一馬衝風來插羽驚沙鳴手持大府帖御馬到頭
行皇威申九伐南陲討不庭長戟利席捲凡馬
虞於嬾天閑十二廐宵啓赴行營過府歷州縣刻
日限嚴程毛片青黃紫駢白悉別名上駟二千餘
隨行數更羸峻督孔道吏芻粟須立應聯槽刀斲

具煮鍋薪油鐙豈徒馬事急要供護馬兵喜怒在
斯須毋輕身與名軍書請自規規畢日徒瞳急召
縣中吏里正逮踐更如檄速儲胥埽除廐舍清里
正前致辭縣小饑饉仍三空菽不飽皮骨安能撐
况茲天廐種宿飽嘶驕騰此行蒙霜露水土宜未
勝蹄鬣悉天鑿野民調難任次第喚牧人牧人竄
如鼙再敕掌牧吏舍空無折鐙寧死委溝瀆詎敢
行間攫人死身已矣馬誤全家傾咄哉黔閩逆毒
徧中原嬰桓桓師武力計日規澄清疲岷難旦暮
痼瘵切私情終宵馬嘶震炊絕無人聲

河漕隄

愁霖逾一月黃淮交溢流直襄天妃閘崩拜千奔
 牛黃浦委其衝八閘淤所劉劉潭與雙堰注洩係
 咽喉自黃浦下俱寶邑隄屬駭波轟震霆兩岸掀陽侯呀然坤
 維坼康莊翻潛蚪重漕銜尾來泥淤類盪舟羽騎
 迅刻晷輕蹄安能浮天吳怒不止呼蒼之前籌維
 昔畫經制扞防非不周歲糜司空錢彼美仕則優
 工採南山石嶙嶙曾致不後房買巧笑前堂炫馬
 裘皆前孫令實事瞬息津要地那念其魚愁薄才丁闕廢跼
 如泥中鯁誰能一掌力橫障狂瀾洄額設歲修錢

裁食戎伍儔竭蹶抱薪土胼胝敢自休率先荒瘠
 岷面鵠形皆鳩幸回河伯意桑榆收焦頭歎息徙
 薪計多為食肉謀嗟哉青蒲章猶以弛曠糾借叶

軍郵速

電影閃匹騎四蹄風雲升借問此何為軍書奏邊
 城邊城係何許闔海逆未平晝夜十二時千二百
 里程啓鑰達明光片紙萬里情差池誤刻晷從事
 以軍興縣官聞馬來酒漿筐篚迎吏役聞馬來面
 色蒼皇青百姓聞馬來負擔望塵停但求無事寧
 安惜弁與纓換馬百爾慎一蹶禍立嬰覩茲康莊

衢凜凜赴絕陁昨聞仙霞關逆黨自覆傾我軍搗
其巢俘馘獻華清行無犬吠驚旋聽和鸞鳴廷脰
王路蕩鼓腹早遂生

荷鋪夫

荷鋪白髮翁持畚黃口乳懸鵲露兩髀啾啾相告
語十步九竈媿接踵隄土問孰使之里正簽
派伍豈無不丁男距躍力如虎豪門誰敢按公然
脫籍簿稽昔河夫則依畝科人數自頃浸稽天田
百荒九五餘五畝一鐘占籍酣歌舞我儕湖傍民
漂徙無窟所保長任恣睢皮骨拋酸楚骨楚猶可

言腸饑轉鳴鼓聞言心怦怦爲民母也父何當叫
天門勿懼試蕭斧

採柳謠

去年採東鄉今年採西鄉東西兩鄉柳採之盡斧
戕河隄決無時需埽如山岡高柳無遺槎柳種纔
成秧大府昨下檄催督肩相望境內一望空越境
有嚴防無已及他木槐榆楓櫟章違材式不程李
難代桃僵百金縛一埽千夫提其網投之滄淵中
班聲逐沸湯河伯鼓赫怒飄如馬脫韁哀哉纍膏
血一擲剜肉償何慮百千埽往往到扶桑吾欲叩

九關好生惟德常何彼至治世大海無波揚

帑金遞

滇閩逆未平廟謨軫師徒帑金六十萬少府節次
儲恩賚鼓行間速拯殊方蘇金貯六百鞘法用千
八夫郵致遞萬里郎官押之趨驛程次州縣有司
戒無虞夕到朝送發斯須勿停徂邑小剩災黎挨
戶募就塗轂棘畏負重臨行兩兩逋僅能達前州
肩穿眼欲枯饑渴促嚴程不于類病鳧老憊骨髓
乾道死十 屍歸骨肉親哀慟感路衢長沙賊
巢遁黔陽孽勢孤固賴執爰力朱提血亦糶寄語

三軍士滅此食朝舖

涸田勘

使者坐湖干霜厲六月寒嘆田涸不報爾民目無
官使者起湖干霽容發長歎水深那得涸安用履
畝看田乎自無言民乎孰敢謾怒喜誰令公請君

參轉關 此係當道
監司實事

湖天霜

湖天湛然青盛夏飛巖霜霜巖結陰慘白日沉荒
涼厲鬼啾啾鳴行路聞心傷埋冤爾為何毅魄非
國殤生為蚩蚩氓安分柔且良真盜失我辜漁人

惟禍殃殺人不抵死袖手翻代償有耳非不聞有
 眼詎失芒一人愛功名片語進斧戕原初失咎由
 一誤成猝倉改誤成再誤兩失并榆桑我躬榮利
 關遑恤彼剝膠邈矣三宥仁孰察五過章一朝四
 百指駢首辭景光湖水自終古流恨從湯湯媚人
 及自媚殺人宜慎詳

此亦前孫
令實事

西江水

瀕淮蕞爾邑官卑井里罷慘慘窮檐下三五菜色
 黎河工作無程軍行需挽旗常役額有則大役權
 其宜嗟彼負戴子痛癢敢語誰規民實真傷高目

中懷悲維彼河淮流從天降阡危絕遠西江水何
 來乘其衰高浪駕我編排空山可移舟中何所見
 高燃太乙藜爪牙盈百千帶刀橫市達魚鼈役病
 氓抗拂立粉齏彈丸百室井橫決無防隄河濱嗟
 抱關嗔喝着不低何來滔天燄擾此犬與雞以且
 訴天吳繁興謠詠辭呵斥抱關吏無自悔噬臍始
 悟草菅民用為足恭資

令史怒

畫舸自南來羽騎從北臻衙門崇上官皇華喧使
 星高軒豎大纛烏章爛織文犧牲酒醴羅玉帛交

已時言集 卷之四
二弄草堂
橫陳長跪前致詞鞠躬申苦辛相知不在言何以
祝中心綢繆有秘計畀爾色笑迎幸逢官長意怕
值令史嗔需求百不稱阿堵難傳神諾厲當談笑
直寸枉百尋南山有虎豹不比吏怒深還顧五斗
粟一飽捫心驚

衙前鐘

昨宵聽鐘鳴街頭感騎聲喧呼大差至四門皆點
兵今朝聽鐘鳴傳牌到要津夫馬百職事縣官跟
踰迎誰言考華鯨聞之心神驚河流終古汨古道
千年埒東海變桑田鐘聲無斷絕

贈行碑

不才謬茲土尸素屆兩年兩年荼蘼茹愆尤叢萬
千信友負垂橐獲上張空拳強項觸豪右磬折簡
盤旋亟黜固其宜投荒幸免旃何意邑先達父老
師生賢憫我前途窮十步九迤邐釀錢贈行裝俾
獲買舟扁妻孥羞乞食幸免向人憐聞古賢太守
却餽收一錢至今江流聲風清地與傳伊余無寸
施受之媿賄遷高激義心古彼譖何其懸永懷瑤
與瓊蛇雀徒心鑄

丙辰初度次學山姪韻

在寶邑作

誰言秋盡轉陽和緣領霜華觸境多鳥自入籠忘
鍛翮猿空抱木說鳴珂人從嶮巖千盤老家隔煙
波萬頃過媿爾短章連問訊兀然讀罷不高歌
回首江南宛一方別來衰柳也應長鳧鷗日日遲
歸艇菱芡家家隔曲防難倩韶光酬案牘只將禮
數問胡牀多生習氣消磨盡祇有蓴鱸結未亡
行藏五十竟何如事業衝郵一紙除出塞底須愁
失馬過河無那泣枯魚錯將高枕供喧拆悔別青
山廢讀書撲面驚沙消受慣誰教手版換樵漁
歷歷從前蕉鹿年謝家兄弟盡重泉閒評修短惟

我老怕說升沉逐境遷夢醒欲掀黃檗座興辜久
謝子猷船縈腸一壑松筠計只欠山靈幾貫錢
官廚炊冷敢言清媿負嵇生命駕情深淺蛾眉隨
幻泡有無蕙苾聽逢迎寒暄自映千潭月世諦閒
評萬里程莫怪生涯如許拙此生甘老不才名
家風述德有傳經回首西臺愴汗青袞袞自饒探
玉簡荒荒只合禮金庭直將醉眼空三世獨許深
情到百齡不是維摩耽老病敢持半偈質明星

被黜後疊前韻六首

丙辰除夕

自分清狂干太和冥鴻到處弋偏多那能鹿性馴

金勒長謝鵝行聽玉珂入世慣從危處熟半生錯
向醒中過依然初服荒三徑一任風前發浩歌
曾學無生陟上方陸離劍脫布袍長空城黃雀終
思食孤渚蒼鴻失自防那有魚懸畱土甌笑伊樹
老戀銀牀昨宵一枕家山夢別有傷心那得亡
自揣輸人百不如白頭旅館歲逢除當年謾說隨
車鹿此夜真傷銜索魚只有關情千里句從今閣
筆數行書諸君莫問休官話媿殺江鄉笠澤漁
無寐閒追正始年幾人同酌在山泉漫吟興廢松
耶柏終媿文章固與遷擁被寒郊煙外寺推蓬秋

水鏡中船何來別却登臨伴虛負佳期拄杖錢

一龕鐙照一壺清滿眼迷離兒女情生事止攜鏡

柄去歸田尚欠鹿車迎疎狂拚後清時業嬾癖其

如寸步程不為衰顏甘棄置十年前已讓時名

劉家七業憶傳經

余兄弟七人俱亡矣

五柳猶存臘後青

先人挂冠歸田

十五年

作客有騷吟楚澤廢書無淚灑秦庭空華奚

事參同契齊物何須問求齡敢擬前賢緣底事也

知磨蝎坐身星

墨韻答學山

常嗟劉柳值元和每一攤書感慨多自曳短裾聊

擊缶豈將徒步步逐鳴珂千秋猿臂年年老半世羊
腸日日過風雪正深擁絮卧牛衣心事敢狂歌
處世應師田子方馬遷貨殖計寧長東西鴻爪皆
空點今古蛾眉不易防漂泊未歸庾信宅支離合
一管生涯壠畔驅黃犢焚硯何心賦補亡
衡門故室近何如零草叢花應滿除鳴躍無心憑
夢蝶江湖堪縱羨為魚拈來藥草空王偈識破羸
金教子書拂拭汾干畱片石我將樵隱爾為漁
聽爾悲歌三十年還期老眼共林泉送窮舊作應
焚橐傳舍依人定幾遷影子尚堪邀月伴心違怕

問載花船茫茫駐足知何處擬向銅山傍鑄錢

朝朝貝誦梵音清

學山好佛
如釋子

一往猶深生死情三世

忽從孤館現百端交向五更迎尊前蝸角灰虛願
身外鷲枝罷遠程怪爾近來疎脫甚曾參八地識
無名

不把黃金易一經從他眼白我擅青人依故步忘
工拙世學新梳任逕庭對酒乍令消旅夢看花無
計挽頽齡藜藜街鼓今宵盡那管三星與四星

墨韻答元禮姪

抱璞無須泣下和向咸此日勝人多

元禮初
捷南宮

一牀花

好簪銀管千里駒今驟玉珂家計止遺長佩在名
成追憶數奇過長文自昔惟看汝悲喜還應雪涕
歌

爾父吾兄擅二方中年孤憤竝天長窮通青簡無

知己生死黃齏悔失防予四兄開期讀書山中誤食菌毒而殞
即元禮父元禮九歲而孤予撫之成立

負郭無田餘廢宅遺書數卷散塵牀蓼莪讀罷思

今日慰殺高堂哭未止

柳惲多才若箇如芝蘭佳處在庭除慚予志負騫

霄鶴願汝官多換酒魚綵筆莫教題簿領金貂猶

喜讀詩書他年試訊東臯畔爾自雲龍我自漁

藉甚時名冠少年良辰月旦第三泉游多京雜衣

常染病逐輪蹄客似遷寂莫自甘揚子宅風流那

得尚書船長裙脫却驚時輩首唱詩成壓姓錢

滄浪歌裏濯纓清家法無忘爾祖情通德風存思

讌集中郎韻歿絕逢迎書來河洛三年字元禮久
館中州夢

寄江淮一水程寂寂笑人癡叔在後塵望爾振雄

名

漫向題橋故里經爭看頭黑慕油青琴尊兵後空

餘僻松菊荒餘尚滿庭纔閱風塵宜樂志興嗟存

沒願修齡諸公袞袞高槐棘努力須從鬢未星

已言
墨韻答朱監師

名四輔寶邑人

風物長追晉永和，每于俯仰寄情多。閒將短夢評
斑管，豈向長林羨玉珂。百鍊身留雙眼在，千秋腕
惜寸陰過。天南塞北裝空袖，廢卷猶吟麥秀歌。
已知朽蠹銷圓方，閱盡紛紛舞袖長。竈北披衣還
自暖，牆東逐食免他防。鄒枚故紙拋藜杖，管葛閒
心撫鹿牀。聞道驅車將北渡，問君底事不銷亡。
隱几枝梧只自如，任他蒿滿沒階除。羊腸是處難
依鵲，蟲辭何知說化魚。名理獨持無佛論，孤蹤不
待絕交書。射陽萬頃波光裏，擬共扁舟老業漁。

名振騷壇四十年，早時學道即林泉。黃金散後傷
交絕，白首知新惜歲遷。百尺桐垂披卷戶，一谿月
朗狎鷗船。怪來啓事無名姓，只爲先生不說錢。

監師

宿儒博學命
謂宜應薦舉

自是虞翻骨相清，歸雲倦鳥寄深情。閒嘲岸柳隨
風轉，品次巖花向日迎。囊裏悲歌燕北草，馬前露
布粵南程。解衣自濯清淮水，願讓吳中高士名。
岸谷滄桑眼底經，短檠歸伴紙窗青。孤情覓友書
千卷，高卧驕人雪一庭。謝却浮名真適意，不違物
理即修齡。論文遲暮還愁別，長向秋霄望客星。

重至寶邑雜詩

一線隄流繞廢宮女牆遙浸夕陽中鶴辭舊主籠
翻戀雀啄荒城事已空近巷兒童迎舊識隔濠蘋
蓼繞新叢玉雞堂上如鉤月又作嘉賓燭影紅

堂即後署

斗酒雙魚喧客廚故人餉我且為娛難忘夙習衝
晨鼓喚起離愁入夜烏玉蕊春光隋苑盡畫樓帆
影楚雲孤空階一夕瀟湘雨多少新寒到夢無

大浸稽天逾九年

寶邑患水災十年

流亡依舊觸潸然誰憑

早計焦頭急只博終年望眼穿鷺鸞乍移南下疾

雞豚無那北來偏羽書昨夜喧江上休問銅鞮估
客船

浮漚身世付莊生斜月猶窺粉堞明水國幾家餘
菜色檄書數道挾軍聲牛羊箇箇歸殘照瀟瀟雙
雙浴晚晴記得荒郊南北道炎風朔雪慣宵征

填填擊鼓大王祠瓠子宣房又一時板築驚魂悽
舊月束薪墮指怕流澌書生罪案先勞日尸位網
繆未雨時贏得長天秋水碧柳隄回首馬頻嘶

每賦銷魂送別離往來行役悵靡靡何堪多病顏
家鹿拋斷閒愁白傳枝若問舊棠惟馬轍

在事年餘惟牛馬走

依然前渡倩魚知老夫不解山陽笛無那鄰人入
夜吹

邗上遇學山

別來清瘦黯心驚問爾窮愁幾許并藥裏藿鹽雙
蹙額葛帔兒女倍關情曾因鴈過思風便每到秋
來怕雨聲漫說持螯餘興在黃柑綠橘負平生

秋日邀泰州鄧孝威江都宗鶴問歸德崔兔

牀休寧程穆倩泛舟紅橋限橋字

幾忘揚州暮與朝也尋故事到紅橋岸排朱碧驕
金谷巷擁琵琶當玉簫只有秋花含意舊誰憐衰

柳過時嬌天涯逐客佳辰老索笑同心破寂寥

錫山道中

傍岸秋花照眼明兩行衰柳競蟬鳴高低乳燕翻
波急遠近晴嵐入市輕茂苑人歸殘月下前谿歌
斷暮潮生別來數有東籬夢却望鄉關倍愴情

挽吳弘人聞夏二首

不信修文召連翩赴二難好辭供乞食博學厄彈

冠

兩兄才藻不獲薦舉命也

老試摧輪慣貧棲蠹簡寬故人多厚

椽范叔一生寒

漠北嗟予季

漢槎

生還幸此身

昔年兩兄俱及關而回

艱難疎故

里冷暖仰時人舊好尋餘子驚魂送老親夜臺還
共慰膝下盡荀陳

早秋薄暮渡江望金山有作

莽莽秋陰合衝煙晚棹開何年一輪月值此妙高
臺層氣標初建鮫宮節夜回只疑塵世隔未許客

重來

未開會
一登臨

石壁爭濤立浮雲捲地開水輪含刹相灰劫幻樓
臺念冷芙蓉遠機忘鷗鷺回英雄真負汝興廢觸
懷來

兀突山容舊推篷眼倦開有天埋日月無地挂樓

臺野戍平林合漁燈獨夜回虛傳八駿速那得御
風來

吳楚天誰劃洪濛地孰開落霞翻月窟空翠束天
臺鴉陣煙吞斷鐘聲浪湧回風波千萬丈何事去
還來

不省勞人意懸帆破浪開倒鋪金萬點墨浸碧千
臺粉堞依星挂風鈴帶鶻回還愁雷雨至九首帶
冠來

大造經營意從空放手開風雷摧瘦骨沆瀣拔層
臺瞬息人何在虛無夢未回景純懸賦筆靈爽夜

還來

荅兔牀

掌上一丸封掀髯老不慵
幕間嗤燕雀牖下薄喬
松業就矜威鳳占成憤
亢龍埽除魂礪障須上最
高峰

黃葉詩和黃岡杜于皇得金字

滿目飛揚意翻驚搖落心
名稱傳白果色相慕黃
金翠柏幽無語繁霜勁不
侵幾層疎密處近水帶
迺岑

爾是真樗質偏驕歲月深
落同秋一葉積似雨多

金門擁妨扶杖檐遮透遠
砧只因涼燠異過眼變
寒林

爾豈文章伯無聲擲地金
鷲秋先變色愛日撤餘
陰榦老寒依骨容衰拙有
心埽來恨楮杻絕壑有
知音

訓于皇次韻

時與于皇同寓維揚天寧寺

宦黜交游盡萍蹤忽有鄰
厭聞名士假今見讀書
真壁立交撐骨灰寒許獨
親憐君營一飽擾擾老
閒身

師門同好幾

余座主合肥龔先生

君是在山泉老去偏依舊狂

已明言集 卷八
來總不然三生思結石二頃竟無田烽燧鄉關急
回頭數問天

豐韻訓通州范汝受

時亦同寓維揚

特有蒼髯客支離愛作鄰文章乘命薄飄泊信才

真

汝受以文章賈
朽遁迹數年

木落禪關出霜寒襪被親自辭海畔

月容易問棲身

獨立蒼松下泠泠聽落泉多情看斷處無策妙忻
然里老尊雞黍家風剩硯田城南握手路夢裏亦
亦天

同于皇招汝受移寓天寧寺結鄰度歲

出門一步總黃埃靜對寒窗雪後梅俗子盡驕妻
妾去甌塵好約范丹來

初冬到此過冬三爾我平添鬢雪經多少朔風衝
北去君如越鳥戀樓南

由天竺登北高峰

憩策探岫宮蹙步披榛薄目成迂遙岑脰回倦激
澗深谷飈淒淒修澗靄漠漠逕仄覽彌夷籟應近
逾邈綠萸蹴履柔紅英掇袖落撥蘿捫層雲吸澀
聆遙喔天步縱攀躋齊州晒囂灼洪厓儼可憑余
亦從斯作得我謝客心默喻尚禽約勿使雙青童

已四言集 卷之四
笑人徒齷齪

循北山歷虎跑登南高峰

躡峭悟逕窮巖開忘蹊轉雜篁修澗鳴幽葩石棧
展透迤不知疲曲折互迎遣啾啾鷓鴣雞音呦呦麇
麇纂朝曦躍重湖晶光凌絕巘谷官響易哀林委
指靡顯迅瀑激木末笙鏞互流行窮瀛攬帶間懸
象措掌辨輕舉諒爽期沉憂藉暫免知音貽同懷
良貺豈云淺

從南屏山麓登頂望浙江

窮日勝彌厲遡風循陰阿阿陰幕浮雲背江面層

湖攬袂凌丹梯倚杖籍綠莎遂出千筠頂四覽衆
峰羅江流忽覺住倏增遠山多恨無任公釣直下
桐君波彼蒼不予棄爾懷遐如何揮手謝朝市康
莊在薜蘿勿待盛期衰茲游捫心孤

春日泛湖登孤山

曉策遵蘭渚挈侶揚方舟舟行遡晨鳧偕我翔中
洲輕陰散浮嶼澄漪碎孤丘幽懷曷世慮冥契倦
前修褰衣度石瀨攝袂憑山樓荒祠臨迴波磴道
折渟流緒風搖叢綠薄陽感鳴鳩遙渚蒲漸生周
塗蘭已稠攜我言懷侶景昔抗志儔女蘿穆修風

梁木邈難求喟焉理歸榜去矣心遲留

古松歌

嘉興真如寺有古松云是齊梁間物蒼古絕異為作歌

城南古刹湖之濱古松獨挺虬龍姿兒童不識蒼
茫意歲寒千度祇自知騫霄秀色搖空翠天矯輪
困山鬼羸老榦年年閱歷心孤枝處處支離意雨
漬苔滋彌布濩霜皮剝落神靈懼近市何妨鳥雀
喧凌空不怕雷霆怒人言此松六朝物歷盡興亡
閱枯苑沈謝何劉賦筆工金粉銀鏤曾否拂淒涼
千載伴浮屠六時魚鼓暮雲孤烏啼正對門前柳
提起臺城事有無君不見陳家鉞月夜夜滿隔江

唱罷樓鐘斷若到天涯覓故知一枝蒼翠猶堪剪

陪宋荔裳大叅游會稽寓山園簡祈奕慶兄

弟

寓山故析中丞園

越江以東多峻山磨牙虎豹憑其關鸞鷲翡翠樊
圃物君家寓山平疇間越州使君詞賦手采蘭獨
尚前賢友中丞名節杳星雲零草幽花家法守邈
然風流不可逢落落對我秦望峰浮雲度嶺斷飛
鴈寒潭涵日驚蒼龍主人巖下列杯酌坐有山僧
踏芒屨雪朋儕半是竹林餘野服金魚等悲樂疎
星四五遙挂城暝煙無數綿長汀風林斷續帶郭

已明言集 卷八
杵月脚搖曳隔浦燈此時如澠飲轉醒清謳拍歇
鼓聲沉慨然使我思大庭爲君更登寓山山頂上
一捫高高之青冥

贈桐城孫喈公卧公并呈尊公大中丞魯山

年伯

時在會稽○孫與先人甲子乙丑俱同榜

寒霜十月雞鳴曙游子出門渡江去帆前亂落霍
山雲直過秦皇鞭石處君家兄弟真好奇遠尋禹
穴題新詩長干柳色畱不住越女猶笑來何遲桐
花初落白袷衣扁舟共泛江上磯五陵意氣到詩
酒鑑水稽山是爾師君家皖口接東山中丞風流

絲竹間午窗舞鶴戛一唳斐几丹砂妙九還到處
平輿二許名相思常在越王城趨庭定獻南征賦
云見滄江禰正平

題蔣虎臣先生山行紅葉詩卷後

太史昔在承明廬鳳凰銜出五色書太史今居瀨
水上匹馬閒哦丹楓傍明霞被嶂壘波起迷離影
墮旗亭水天女腮紅盡越妝秋娘曲誤花源裏君
不見鳴颺浙浙漸霜雪朱顏攬鏡臨風咽賴有詞
人句裏春丹楓勿復愁啼鴉

東山歌贈山左董樵谷

東山天半臨溟漲，翠嶽丹翠寫萬狀。結廬直壓最
孤峰，盪曾朝日扶桑上。雙扉鐵鎖芙蓉城，玄猿白
鹿當窗鳴。月斜洞口高卧起，步虛遙墜松風聲。偶
思採藥成獨往，暫別東山討泱泱。白雲影落知有
無，孤筇隨駐寄獨賞。冉冉蒲帆越鄉國，逕沽斗酒
吳趨陌。入耳鳩鳴香逕紅，回頭鴈過胥潮白。觸臆
興亡陳迹中，題詩孤嶼幾人同。怕聽吹篳迎桃葉，
忽憶籠鶯指姥峰。越州使君詩名好，翠旌耀日耶
谿曉。長裾漫曳故人庭，鹿豕舊游看騷裏。酒酣忽
爾思故山，故山三月谿潺湲。杏花一澗房櫳靜，麥

浪孤邨雞犬還。余亦枯蓬逐斷風，枳籬何處一丸
封。聽君熱煞東山話，別覓西峰對結蓬。

寄建德宋介祝兼爲其尊慈壽

帝城槐柳飛秋蓬，臺高目送凌寒空。一談俱集齊
稷下，上書競赴咸陽宮。就中宋生儒者雄，寸毫直
拔連蜷虹。千金散後氣愈鼓，俠肝傾出雅頌風。知
君唾手取青紫，如君高懷豈爲此。久客朝題飲馬
行，思親夜夢嚴陵水。嚴陵兀突破層霄，下有大江
吼。汐潮君家高閣立，其上中丞勳在野。與朝昔時
三晉戈鋌起，節授中丞天顏喜。長策孤懸鴈塞高

豐碑獨揭雲中指蘇公有子如君少目無空闊超
 駮裹予也騎驢旅食人征塵影裏為傾倒孟門偏
 不歌路難燒鐙與月爭闌干催人水活蘆溝響送
 馬黃雲背策看別君二載苦憶切厭煞征鴻影明
 滅聞爾持觴跪北堂蘭芬玉皎簾前列繫住東西
 南北身龍山山下盼佳辰一尊遙借桐君水共酌
 清江歲歲春

黃山吟送孫無言歸山

無言久客揚州

我聞黃山奇傳述侈盈耳緣慳兩芒屨每飯懷耿
 爾昨歲吾友來云有便帆指擊榜發錢江酹酒客

星溪陂陀歷千峰繫舵屯谿市仰睇蒼蒼間怪狀
 攫漢起橫破半碧落云是黃山矣此地距山麓尚
 一百廿里振筇踴躍行束耨并襍被同心四五人
 推挽手相以目駭啞爾瞠攀躋慄神鬼始陟湯口
 泉朱砂峰菴倚青鸞躡仙掌俱峯名駮駮互角犄漸
 升老人頂只少磬效唯是惟山之腰豁見天都歸
 環峰三百六禹簡莫能紀出險驕捷猱梯空哂窺
 鼠金剛肚可怪閻王鉞詎抵皆極險處雲棧縱千步股
 戰口徒哆鬼工佐飛騰直踏蓮花蕊天都第一峰頂尋
 丈衰始悟真宰偉日月亦何心似來授其履萬狀

巴野詩集
卷之二
二
圍金碧衆皴委如駛扶輿不能忍啓秘肆譎詭峰
峰獻諸有雲海捧其趾歷歷翔走呈面面菑菑啓
我游十見旭曾未挾其縈入目不能言所言非其
裏彼境變難窮我心愴無已衡嵩足未徧奇觀亦
云止還問新安人家山屐未齒絕世稱神物往往
少知己濟勝無乃艱大都肉食鄙孫子產新安壯
歲窮海宇爲愛廣陵月舉杯未脫屣忽憶天都峰
撫髀中夜起青鞵便朝發一洗新安恥諸公壯其
事贈言一何侈擔簦攜之歸此外皆塵滓孫子歸
黃山長揖謝諸子

送學亭二兄之任貴陽

惜別南荒遠多君盤錯才洞庭秋漲闊銅嶺曉煙
開蠻吏迎華綬夸歌佐酒杯黔中疲百戰埽地闢
汗萊

路過牂牁險滄瀾度百盤三春過積雨六月有輕
寒風俗憑官換艱危入政寬書生須歷險經畫馬
前看

客中歲暮

古樹頽垣見饑烏繞戍飛山浮寒木響野錯燒痕
微冉冉隨砧韻遲遲送臘暉綠河千樹柳生怕又

依依

括蒼道中

蕭然倦策度重巒絕壁摩天傍斗看游子傷心悲
九折美人遥睇隔千盤啼鶻花信他鄉到瘦馬衫
痕落照寒不斷亂雲投北去生憎回首望長干

同德清徐方虎錢塘張步青東陽趙湛卿登

永嘉江心寺浮屠

是日巳 戊戌

鷲宮兀突捫銀河界破青冥一鴈過名士登高雙
淚下故人回首萬峰多新傳蜃海銷兵甲若箇魚
磯卧薜蘿尺五去天知不遠憑君才調問如何

良辰今日是何年洛水蘭亭總惘然有客忽憐吳
地草無人不誦灞陵篇珠宮日朗浮孤嶼碧海潮
回落萬川千載勝游追謝客風流珍重繼前賢

送湛卿歸東陽

柳絲冉冉暮江頭紅樹明霞送碧流惜別更呼桑
落酒相思只在木蘭舟帆隨江鴈雲千里路轉山
城月滿洲君向東陽須健飯他時帶減使人愁

吳山訪沈鍊師

朔風倦雪隨游子古柏撐寒井梧死山館何人話
昔年寒巖與爾長如此窗外重湖千片明亂山疊

補隔江青年來消盡聞雞夢亟向壇前禮玉京

贈友次來韻

問是何年草莽臣
牆東避世假成真
骨存猿臂埋
飛將目斷龍文判
逸民百萬金揮畱
短褐十千酒
冷謝紅塵倒囊不
怕無錢看肯向西
風一訴貧
幾經雨驟與風飄
索契冥冥碧落高
底事雞羣忘
飲啄也知鶴立惜
毫毛關山不望思
鄉月鐙火猶
聞獨夜潮祇伴青
萍影共笑酒醒心
事在詩瓢

送友人公車

鵝膏爍爍淬鏗鳴
長鞭捎雲秋濤驚
衆中一盼誰

不羨洛陽夾道誇
崢嶸滹沱月墜鴉
啼曙衝塵白
鼻驕嘶去一鴈南
飛首忽回故人尊
酒雲平處

和友人城南送春之作

明日春風別故園
滿堂猶鬧武陵源
煩君再鼓回
風曲重倩殘紅向
袖翻

看盡繁花杜曲人
恰逢歌管在南鄰
永和
不記風
流事莫挽羅裙說
送春

難倩東皇緩俶裝
惜花小隊在迴廊
送春不是悲
秋侶神女今宵在
斷腸

庚戌六月吳江一夕水發滄沒民居戲作竹

枝體

太湖風捲水漫天城裏居民屋上眠市上米珠無
買處朝來溼米斗三錢

人家養子惜如金何事長橋拋擲頻一陌青錢沽
一婢夜來愁聽喚娘聲

干邨一望絕炊煙老弱相扶乞市廛最惜雙行纏
少婦提筐不是採桑還

三里橋邊粥廠新擁擠老幼可憐生爲求一飽真
難得驕煞爭名奪利人

